

書

休復居詩集卷四

寶山毛嶽生生甫

鄧湘臯自楚南來揚州憶初遇於南昌已五年矣
賓谷中丞有詩次韻同賦

慕蘭名相如執鞭望齊晏今何不能然子雲慨親見別
久每念君朔鴈隱荒縣百年風雅心芳潔餘惓惓文章
不知道華美喻鳴翰固宜山谷中霧雨澤豹變畎畝存
皇初耕鑿無外患恬澹偉長賢南豐爲矜歎槐廳緬登
陟歲華感初且逝者不復來未過尙堪玩湘流蘭茝外
沙石細歎撰世孰知樂飢吾固夢溪宴

次韻中丞齒落贈湘臯

平生喜詠諧隱語東方咄幾忘觸語弄杯酒機心發雖
云齒堅剛行摺豈偶豁何如用吾短著書代口吃南城
愛士懷投醪解羣渴論詩譬知味鵝色噉能決與君同
叱咤敵驚失行列應笑嗇夫才喋喋事口舌而復學彌
明閉口廢關說不蝕悟樞完反輟歎輪滑晨興一嚥漱
珠明水滋達息息冥風雷何有笏拄頰萬物戒相磨久
漸等遺脫差勝昌黎翁窮悴悲齒髮

昌黎上李侍郎書有髮白齒落不見

知己云云

和前韻同湘臯荅中丞見贈

吾生逐風輪衰盛感叱咄豈如公內定心動笑妄發偶
然託文字奇響閱寧豁汗流籍湜輩嘆喑語訛吃世人
炫華縟夢飲潤真渴萬事隳虛殫無源祇橫決涉海迷
朔南昏望斗衡列公譬無盡燈不獨廣長舌芸生歲億
變巧算孰能說苟如齒不蠹編貝久凝滑天倪無玷缺
儒墨理同達中傷外耀美獺髓勞補頰流離嗟齒長幸
未擲梭脫欲從廬嶽遊嘯歌忘白髮

中丞復和亦再和荅

江淮百萬家浮空久悲咄
皇仁與充塞蛟龍不敢
發腹背策宜籌長隄慎呀豁豕突偶邊陲疾等贅與吃

是月征伊 上相矧沈勇刺泉潤軍渴會當聞吉語日可
犁叛回 陳湯決瀆流念遷徙畚鍤眾成列轉粟扼東南此固爲
喉舌海運本良圖屯田亦善說尙其汴泗交樓堞憶雨
滑東坡九日黃樓詩有
泥滿城頭飛雨滑句水門復正景廝渠河乃達何人
借籌箸故道問釜頰疇昔驚焚輪漂流幸已脫公眞六
一翁多憂先白髮

題湘臯新化南村新築山房

并序

余友鄧湘臯行介而才高性剛而志篤少嘗有
意於功名旣數困不遂頗思退老田間其所居
新化南村谿谷深邃導資水灌田皆膏美可穫

又出曩遊所得金買田五十畝將偕其兄雲渠
耦耕終焉今歲過淮南將入都謁選求爲縣學
官冀祿入益贍不給其兄雲渠恐其或得縣令
偶中惑不乞改官徒以華侈溺子弟心且馳驅
鞅掌不復能優游聚處旣貽書戒之復作一室
於南村告以蘇氏兄弟聽雨之樂其約身無慕
環堵自足庶幾古之獨行人歟南城曾賓谷中
丞嘉其兄弟志意誠慤簡退爲作兩詩堅之義
質情永言淡思質終亦以歸田爲至逸夫古文
人達者文章德業焜耀一世而心輒倦然於枌

榆邱壑耕漁之事若昌黎歐陽子蘇眉州皆若
此然則江湖憔悴不遇之徒其困而求息不更
有甚乎余居嘉定西溪溪旁頗多閒田地友人
諸敦夫黃子仁陸子劭皆居溪前後數招余歸
耕余至貧窶歲嘗遠遊閩中求傭書以養親屢
顛厄思歸輒以無田而止夫士莫患乎商無資
而耕無地也然則余終爲惰遊民乎余始識湘
臯於南昌共飲東湖聽其議論雄辯頗望其或
用於世今雖不可知若余頑鈍窮薄其宜求爲
農夫決矣中丞題詩有子勿如蘇公虛言還故

鄉語甚有足感者因以爲韻作十詩贈之并以
貽其兄雲渠云

浮生老轂鳴勞悴固德美嶺嶂極天高險獨困遊子十
年陽朔歸田萊得可喜耦耕誠復佳白髮照江水
養真屏六鑿清心先四勿怡怡老兄弟畝澮樂蠖屈連
岡洩清瀨纖竹翳竒岫夜雨聞春雷苦筍明可掘
農固不苦飢釣亦可得魚入門婦稚歡壁火鳴縑車青
衣江上路細雨夢春蔬瓊雷二蘇士此樂彼豈如
谷口雨雲溼破塊蟄已蘇田功在春及阡陌交犁扶昨
聞邑子貴怒馬驕僮奴君莫笑農圃五穀分已無

曉曉好兒子客行歎阿戎明經與負薪大可慰兩翁志
行隳百慕遺安惟固窮襄陽耆舊閒吾思龐德公

東湖嘯傲樂何愧蘇與徐

南昌東湖上有祠祀徐孺子蘇雲卿二高士

臨歧

出苦語誓墓行皆虛南歸吾何得飢鼠鬪蝸廬懸知沮
溺笑旅病仍胥疏

昔行約耕耨息壤固有言孰意賦窮烏徒傷危敗魂江
沙白瀾瀾嶼月應黃昏三閭菲屋貴湘水明柴門

利祿文字障蠻觸苦不閒今我何所思養母耕溪菅西
鄰二三子伏臘相往還燈火各候門吾亦醉掩關

泥塗望霄漢賢達初亦慕焜煌皆外耳既得心如故名

聲高斗柄至樂仍儒素不見南城翁頭白思歸路
山居畏成市道行愁饋漿垂老思乘軒鶴脰增鳧長悠
悠五溪外漁父彼何臧江薜清醉夢吾思老是鄉

次韻賓谷中丞戲簡晏起

馳驅風雪勞生半夜夜飯牛歌待旦窶人子豈易甘寢
炳燭光猶勤照案名聲早識本無補日曉其如難自看
心遊八極公神馬樂聽鈞天我星漢豈緣飽食傲韓慳
不覺晚起仍嵇慣居聞稚子怨更盡出苦良朋嘲日旰
百年哀樂病悔醒眾生木鴈形同患何如隱几吾喪我
一任有聲名屢喚誰知望若太山雲亦復夢畱廬岳觀

晨瑩內景金花長夕潤元膺玉泉貫祇愁臥治要汲黯
未肯閉門聽張奐聞說淮南百萬家正入華胥樂幽散

復和荅中丞見贈

山海車馳朔漠半夢落猺天碧雞旦十年黎棗退初穎
一笑牛羊還併案偶然落筆騁瀾翻已作奔流大河看
風鳴萬竅力搖嶽鵬徙南溟翼垂漢休嫌蚯蚓細聲習
其奈榆枋決起慣太元芝眾時自產朱明景先長不盱
至人求道公豈難下士無糧我真患近聞律陀樂睡訶
益慕薊生小住喚未遑晨坐吞丹篆且自宵澄脩水觀
坎離不息眾妙入定慧相生一源貫惟憂瓦礫投清冷

莫絕窺窗歎明奐安心尙欲乞公與日出天衢霧淞散

湘臯乞題其先大父庭維先生松堂

澤芳楚俗重荆棘棄松粒荒寒礪谷中歲與龍蛇蟄當
年種松意豈獨性所習庶幾吾子孫行峻若松立堂成
人已去陰隙流螢熠宜君兄弟心中夜爲感泣人間瓦
釜鳴物外松風清雲山憶漫叟石上誰書銘余生誤形
謀世德忘躬耕子今傳研志捧檄孰重輕有兄可聽雨
有子習樵斧蒼髯蒼蔚中亦足老巖戶遄征勤自念久
熟松花酷

風雪甚寒夜醒不寐偶作數句寄子壽杭州并簡

孫遂初賓華元培兄弟

世復盛標榜孰真君子朋停杯屬有念酒冷瑩疑冰醉
歌巖穴樂微霰昏溪燈何時春雨至輩作耕荒塍
巨浸竭可漲河卑在不淤道河使急瀉淮或可灌諸嶼
風舶萬里鯤背同階除海運策誠善勿廢河渠書
陽輝耀蒙氣景盪風輪圓腐儒說休咎觀象推星躔堯
湯民富穀水旱何傷焉言豈可人廢且讀貞符篇
曩出恥爲同歲客氣頗下文章與厚實豈可售鞭詐龍
鍾世久嗤飽食矧優暇子其慎所之毋滋我嗟咤
昔人戒言說今我殊繁詞年來真實意溢美惟歌詩子

文若江漢乃數測用蠡見誠河伯陋曩空吁誰思

三年客淮海塞耳惟譏嘲是非要同盡百歲波生泡不
材夙自忖堅厚屈穀匏頽然吾醉矣爾語何呶呶

西湖隄外山雲凍不改綠峯巒極窈窕一雪洗蒼玉昔
遊醉百回酒醒清如鵠子行應念我客夢慙空谷

孫郎兄弟賢學富輕球琳洗心窺道要識與詩同淡當

年絲竹地形釋思德惜懺摩歎忽然淒絕鳳鳴琴

甘亭晚歲

自號懺摩六七年前余與甘亭皆主遂初家

戲題李叔鯨廣文官舍壁上

藏胷兵甲識才奇醉眼滄溟一粟窺亦向淮山朝拄笏

黃流繞郭賦新詩

蒿矢桑弧聊習射玉杯繁露自成書不知花看長安陌
何似閒乘下澤車

病後中夜必覺聞湘臯正與客談意有所觸輒賦

此詩奉簡

厭德江城鼓角悲霜華一夕上吟髭中年病是安心法
旅食廉真大藥資材與不材形共累夢還非夢覺疇知
海濱風雪三間屋正憶歌呼伏臘時

自笑吳歛答楚謠階除落葉共清寥兔絲鴈麥名何用
永鼠黔驢氣自驕渡響殘冰湘寺雨山銜缺月海門潮

此心炯炯求歸宿端合團茆聽挂瓢

湘臯與賓谷中丞往復作夏字韻詩閒出示次韻

奉和并呈中丞

江瀉衡湘五溪負匹練干巖激噴競仙人水樂畱山阿
環玦雲中夢幽聽知君久就反騷賦楚些奚爭誚哀詠
欲尋海嶽窺窈冥直送江流入海竟世間萬事皆風濤
風止濤平色沖淨詭奇辯騁談天口何異山雞舞崖鏡
南城日夜輝玉淵玉氣虹升此心定朝來妙義詰膠塞
意試紛華孰戰勝誰知百怪填君腸正復鐘鳴感霜性
萬物皆流金石止五緯參行寒暑正長霄炯炯交精芒

幽澗潺潺迭跳迸余慙才小國陳鄭陳境犧牲久唯命
王筠強韻偶矜博侯喜詩聲復誰稱才名卅載寒無氈
博士一官塵沒甌平生浪說囚蛟螭石鼎句空笑直柄
湘臯復和亦再荅之

與君共落百蠻負孰令東湖嘯歌競天南峯嶂鴈飛外
風戛篁笙谷音聽崎嶇百夢阻幽險華首夜對仍酣詠
心源共得水石氣自暖不能瀉難竟余詩更笑寒泉冽
龍蟄不冰空滑淨邇來沙磧求洪波如形井窺忘照鏡
看君頃刻生風雷我驚失箸君屹定世人不識岱嶽峻
巨細孰察秋豪勝瘴霧填壅久增疾肝腎雕琢更傷性

寒巖無人韶濩鳴太和欲全松柏正數窘不復相哀憫
驪珠忽遺光射迸句奇誰更數鼎彝氣質行看到謨命
從欣藻績被土木羊質虎皮益慙稱窮愁廢學日昏睡
屋角鼠飢晝窺甌孟生苦語酬韓豪此固太阿授君柄
湘臯將行復和前篇爲別

雪沒天山千尺負鐵騎遄歸笳鼓競吾君好仁不

黷武正欲猗那侑

清聽

時伊犁方以大雪罷兵

驪駒詎促王式

行巢父空聞少陵詠九衢月落籥初啟雙轂雷鳴夢未
竟爭傳立仗得神駿莫惜錦泥分垢淨但求伏隱老鄉
枌是謂國姝愁寶鏡往聞觀書嶽已升近歎壁投浪先

定

湘臯來時覆舟資江

氣剛自敵快飛勇辯峻羞誇折角勝平生

孝友託楚騷老去哀吟見天性文章匪藝道始親通介
忘名學尤正千金行益惜弩銳五技從渠空獸迸淵泉
霄漢非怒悅吾久論成惟辨命冉駢邛笮疾馳傳君定
使還聞報稱祇愁投紱鑿醴酒苦憶壓槽蒸黍甑世間
何限劉道真往莫先憎問長柄

湘臯欲乞爲縣學官僕屢謂宜然昨詩忽異前語

湘臯有詩戲作三絕句自解

白首爲郎足歎歎飛騰暮景卻憐渠平津侯與朱翁子
會取功名五十餘

客嘲賓戲語雖謾貴仕高才古亦難或與儒生洗寒乞

不妨貢禹一彈冠

五湖我久慕天隨樂遁心尤到故知祇惜一官老巖谷
更無從讀道州詩

和東坡先生真一酒歌

金氣入宅輝生芒奇光夜燭越井岡海南性益調陰陽
嘉穀何處生飛蝗笙鐘萬谷風颼涼島月入戶潮沙黃
鹿巾一醉齒頰香明珠炯炯沈海光坎離胎息言空詳
從渠列子嘲饋漿名雖謗讒形則藏歌呼曷與諸黎嘗
平生師者陶與莊舉杯豈復思山王嗟余飲泉看客狂

十年空落鼃魚鄉

觀賓谷中丞所藏禹鴻臚十國陪臣圖

往者禹子趨明光曾見重譯朝遐荒鏤頰冒彤圖豪芒
是皆 聖祖澤雨暘再傳 神武闢萬方增繪

王會同焜煌 仁風惠氣汰沃疆海繁鱗甲山牛羊

偶有桀鰲俘其王龍庭雞鹿成康莊沙磧赤柳秋不霜

波漂谷耀鸚鵡翔想見島嶼如銀潢單于烏桓鮮卑羌

吐蕃回鶻氏高昌數疲漢魏晉與唐曷若 至德消

欖槍億萬里國咸冠裳瑟瑟為柱金為堂金龍激水旃

檀香或驅犀象瓔珞長梯山航海不敢康巍巍 雙

闕天中央朝暎欲上輝天閭奔走郊時歲為常至今日

出閭歌章 嗣皇仁聖獻令臧鼓車駕者皆龍驤瑰

麗不竭外國藏樂彼川谷勤耕桑飛雲入呂望氣黃身

熱坂久增清涼公昔朝正鏗明璫日觀鱗集如圖詳作

詩賦笑誇長楊旃蒙作噩日斗旁 正月朔日在虛七度
今季冬十一日推日

當在斗 我更歌德書歲陽

與敦夫子仁子劬潛夫西溪看梅僕少時同磨甫

屢過此出遊歸亦兩醉花下潛夫曾一偕遊今磨

甫已久亾且去潛夫來時亦七八年矣事有足慨

輒形於詞既呈三君并索潛夫和之

凍雲壓樹映溪沙老幹扶疎鬢亦華千里暫歸經歲客
半生孤負故園花林深微雪畱僧塔渡悄殘冰響釣槎
便合高歌醉春社幾人重對賦尖叉

荷衣昔日歎黃童此夕微吟乃父同詞賦子行無敵手
江湖我久是長翁已忘病樹春誰怨畧識真源酒泛空
勁節廣平言果遂吾儕何恨老淹中

次韻和陶雲汀中丞

澗

視海運駐節鄙邑致祭海

神礮臺示屬吏作四首

連檣颺疾捲飛瀾溟渤誰爲向若觀力挽頽波惟古有
量含滄海似公難搏鵬欲改圖南道戴斗羣欣直北看

聞說仁威宣萬里都憑忠信報長安

屯田西北計非疎海運東南說久儲絕島豈徒防跋浪

大河誰與念厮渠百神受職欽 皇德萬寶成秋頌

里閭鯨背耕犁皆赤子仁風澤國感吹噓

輶車淮海歲旬宣不世奇勳等割鮮夷險心忘知道力

樂憂志定憶名賢飛輪粟已盈千庾使塞人方夾兩船

見漢書

坐對滄溟頻嘯傲妙聲久不聽羣仙

東坡詩云久矣此妙

溝洫志

聲不聞蓬萊宮

州郡羣誇選吏從不疑竊伏仰雍容竹頭木屑材無棄
白飯青芻邑易供四海雲垂尋昔賦八絃樂作待儒宗

宋史樂志祭海神曲有四
溟廣矣八絃是紀云云 旌旗晦靄祥飈送早識陽侯

鑒敬恭

食河豚屢病既已至揚州偶食復作適賓谷中丞

見示病中作甚念海運河渠言簡意淡有會於中

謹次韻奉和

勞生夙心養外物不能引偶然得腹疾治缺古籍診籍

見史記湯熨勞官骸疲爾譬赤緊多方與病禦病去患

未盡豈徒誚口腹不為性命忍雨暘久伏愆決裂敗愚

蠢病非外物致物適與病準呻吟既病後細竅等鳴蚓

要惟澄厥源瀆或不數窘誰歎悟養生一導百川牝

聞子壽將歸松江不復出卻寄

著書休更鑿前楹絕學頻期易傳成百世用之文粟菽

盡人知者氣清明悠悠我久愧鷗鷺落落君真老稼耕

待向滄江卜茅屋聽歌瓠葉教諸生

行潦何知河水源鼓鐘聞豈薄瓴盆洛陽真識無符子

吳國奇才重隱蕃幾見矯情終砥節每憂鉤黨起危言

麤疎不解蟲魚注苦憶持螯對夕樽松江秋初出蟳螯味極勝僕與子

壽九嗜之
故戲及云

湘臯屬題前明鄧子與先生墨跡卷子

楚人哀怨空長諷耆舊襄陽未續書豈意身全兵燹後

卻畱詩出劫灰餘古來塔廟多遺老
盛世文章重隱居巖徑松杉應好在殘篇時爲護精廬

題屠琴塢先生倬攝山紀游卷子

江浮萬壑夜虛明野衲黃冠憶共行
百世空分儒墨迹六朝徒尙老莊名
鼠肝蟲臂語原戲水月松風氣自清
試更嘯歌最高頂劫塵人去鶴孤鳴

苦雨簡凌子昇

端居服術費鑽研衰老誰憂水患年
飯裏每思勤問疾麥漂應不廢陳編
馬昭獨抱羣儒懼庾蔚能教絕學傳
祇惜江湖流土梗空懷風雨醉鐙前

和賓谷中丞聞開王營減垣洩黃水入海州

疇咨久切

聖人慮憂樂誰貽宰相書河洩災增霑

雨候民流食憶饋邊餘

時征伊犁叛回

自來善後非荒政莫信

無防是奠居高築故隄原下策立州西域近何如

雨不止呈賓谷中丞

秋霖日夜瀉天瓢旅食眞愁鬢欲凋
燕雀處堂無遠慮鼃鼃得水讓渠驕
已知要術農桑廢但願臨邊金甲銷
莫向淮南怨零落嗷嗷萬室正流漂

荅屠脩伯和東野贈昌黎詩韻見寄

順性幾忘水至精不知石但保中靈明
何傷昧五色世

人內不足乃慕羽旂飾君看巨浸流豈復憶涓滴
學成貴不絕其道如縑絲經綸密組織上可為裳衣自
來天下暖端在寒女機期君知此意勿羨吳宮施遲暮
余何怨旅病成衰羸趣舍極紛紜孰克勤闕微百年幾
清歎萬事催華髮淮南積雨後蟲鳴戀殘月亦久念歸
休塵鞅何由歇

湘臯出示與陶雲汀中丞和荅臘字韻詩并邀余
同作因次韻奉贈

風雷日夜鳴禪榻聞見長冥學山衲曉曉亦復立文字
是外死生服散合中雖不病外則枯苦語頻年寫衰颯

尾牙竊愧觸非象瓔珞羣驚出空蛤咸池樂作洞庭野
陽麗陰悽見開闔久參節奏據槁梧益厭箏琶競嘈雜
江湖窮約念無已擊筑偶然啟裝匣謁通車騎到朝碩
論丐公孫徧茸闌背毛腹毳豈增高古井寒泉原不汲
我嗤窮谷老穴散人惜奇才頻踰躡長沙傑句出天心
噴瀑千巖落湘峽文譬武事劇雄偉殲敵鋒摧連背胛
兩賢阨豈襲前古雄長氣猶震來葉橫驅敢劇屈賈壘
攀翼端因王葛狎去歲中丞與湘臯書詢近狀邇來較轆益堪晒見
客低眉目勤揖豈知崔峯岱嵩高亦樂微塵雲海納人
閒啼笑迭猩狒世外蕭閒有蓑笠每思隴晦得遺安誰

與饑流同定集可憐聞道南榮趨欲衛我生忘我荅熙
熙何日春臺登僕僕徒爲歧路泣感公談笑鎮橫潰
帝澤東南博宣洽香焚燕寢德悃悃令肅軍門旗獵獵
長河螭切百神和遼海帆飛萬鱗接新詩自洗魚龍腥
驚浪已平島嶼夾熊熊長照燠天燄奚用松明燒代蠟
懸知風雪敝廬中歲歲歌呼歡伏臘

人日賓谷中丞邀同遊焦山晚置酒蒜山芙蓉樓
下餞客入都同韻奉和二首

江步初浮棹青山久笑人風濤疑絕島木石重先民洞
古梅龍蛻巖幽海鶴春聊爲充隱士題句刻巉垠

樓觀成如昔齊梁迹久空偶偕人日至閒眺此江東吾
自悲鄒湛誰猶似醉翁缺

揚州喜晤屠琴塢先生呈詩三首末章意并簡賓

谷中丞

名賢慎出處出處無二轍先生得此意心與江源潔六
年真州城田廬不肩鏞政簡詩則繁歲詠古梅雪海門
缺月昇嶺壁暗泉泄慘然獨往心雲物助明澈一朝投
紱去仍隱舊田畷昔年清平山老宿名能說山寒松檜
清夜坐爐香爇詞賦久淫哇符牒復騷屑故應韶濩音
漫浪憶元結先生時自號漫士曩從湖上游屢踏巖冰裂默默

移我情不食忘井冽

文章有附麗貴以學識充山澤水氣上霧雨生蛇龍華
實雖萬殊博積理則通先生古作者瑰異涵虛冲當年
赤色珠百計求鮫宮世忘歷艱險室甕猜兒童奇才方
輩出談藝口生風淵騫室競入管樂名羞同浮華枝葉
言固薄如秋蓬不材久廢學石豐鳴莎蟲孰意崑崙渠
不廢瀧潔潔頗亦歎愚溪各以文自攻飛潛異燥溼矯
易則兩窮無用以為用曷師蒙莊蒙

淮南風雨交秋氣先莖亂渡江十日來星火炯明漢兒
童竹馬迎爭道鴈行亂蒙九欣末座磅礪窺染翰

時乞畫山

水障 江湖漂土梗歲月不堪翫飢寒與疾病屢致先生
歎豈知誓墓懷無術老耕灌歐蘇不可作賢豪跡易散
後來思古人或亦如今日但亟沽美酒勤洗僕塵沆荷
風清午睡句寫竹間館南豐柱石臣欲去惜英彥平山
烟月古吾黨新詩粲庶幾一醉樂勿藥暑可追

時驟暑先生微

陳穆堂約琴塢先生鄧湘臯趙良夫

函

吳旣穀同

集思園分韻得水字限蘇體

病翼返林園

時湘臯初自都中歸

孤芳擢荆杞大筆縱萬言奚直

一杯水何似陳君才著書尺有咫炯然秋壺冰心跡淨

如洗三歲客蕪城歲歲醉醪醴早知僮僕笑惡客有如
此語徵耆舊遺氣斂湖海士歐蘇百世賢此樂今餘幾
荷雨竹風涼默坐欣止止聊同池上吟詞拙不暇綺

復和簡趙良夫

後生久簪筆同舍或奉引不材吾與子奚待夢覺診奈
何勤鉛槧若迫嚴程緊陵暴困物情物怨才亦盡是固
千鈞弩不為鼯鼠忍歲月長道途子惜我尤蠢歸耕縱
乏田傭犁力可準負吟同苦飢蟬蛻更輸蚓長卿車騎
都不救壁立窘吾終為老農穀熟星占牝

牝年穀大熟見
漢書天文志

太白在南歲
在北名曰牝

次韻賓谷中丞暮春見示

鄰不我知疑欲嫁遲暮靈均獨淡訝芳蘭勿與種當門
稚柳行將栽繞舍偶因風雨感春盡怕聽波濤激堤卸

前月高家
堰復塌

此邦花月本陳迹久病歡哀更遷謝行遲語

蹇竊自怪詩澀文奇屢遭罵幾人得路互譏揣何日躬
耕就閒暇先生學與邱山峻國士名多齒牙借牂牁氣
激霧冥晝嶺海光分燭照夜豈知廣廈細旃中苦憶仙
壇飛瀑下邇來淮海再持節頗厭歐蘇譽流亞養真宅
已谷神棲放筆詞猶瓴水瀉百年晦朔悟菌永萬事盈
虛似潮乍日長曷與臥松風禽戲時時學元化

僕歸思過子壽松江聞尙畱杭州未歸而僕復遽
出有錢塘何生者將歸往見偶用前韻奉寄
東郭先生隱不嫁薦士無人齊客訝豈惟束帛阻邱園
亦復蒯緱嗤傳舍嗟余何異病顙駒羈絡年來偶未卸
酸寒聊乞尹憐尉儒雅敢希倫擢謝祇慙徇曲遠同詆
何止秃翁世交罵人言燕睇得巢安我憶鳩鳴趣農暇
海運書率閉門造河徒策誰前箸借早衰旅疾畏雄辯
強醉清醑醒中夜向來悔吝置郵集未至謗讒先霰下
何時浮棹天東南梧鼎煎茶花竹亞貧家財帛不復畱
歲歲室如漏卮瀉成虧物理別奚竟夢覺羣生閒亦乍

欲從抱一衛我生莫謝蠋蜂不能化

良夫攜酒邀僕同飲思園旣往而病作遽歸琴塢
先生有詩次韻同作竝簡穆堂湘臯

古木千章合名園半畝寬涼增枯坐適病減把杯歡詩
思吟湖月離愁話畹蘭成虧無我意虛室古琴彈
數面新知樂論心故舊稀久同猿鶴隱又送鴈鴻歸水
靜蘋風潔煙生竹露晞悠然清午醉主客共忘機
歸老資何物單衣與布裙用管幼安事情移滄海浪夢隔楚
天雲韶濩思二元叟松楸誓右軍還應念禪客病榻正香

焚

湘臯謁選得縣學官歸過揚州與賓谷中丞和荅
有詩戲次原韻調之

我如蝨蠹疲不罷君似鵲巢冬已架抱書昔共歎桓榮
作吏今誰恥子夏人閒腐鼠競相嚇往日黎邱幻可怕
瘦羊但免博士飢脫粟一任公孫詐可憐丞負尙捕風
余屢乞改不覺傾心如欲炙沅江山峻瀑交瀉敗籍篁
縣丞未得中草可藉行吟閒聽礮鳴泉挂笏應思火改拓
時將別故云他年或起故將軍傑句驚看鐵洞射

題馬棣原填詞圖

簫管頻吹自製詞蠻箋重與寫烏絲祇因楊柳吟風月

長使閒愁醒後知

旗亭幾歲感天涯誰得長看芍藥花說與前人也愁絕
水窗嬌影寫雲鴉

戲題歌樓聽雨冊子

一棹江湖近廿年荒雞啼月未成眠不堪雙鬢星星後
重憶紅樓聽雨天

亭亭背影卸明璫斷續簷簷聲入夢長最是泥人魂斷處
釭花微墮曉風涼

湘臯將歸楚南以昌黎詩至寶不雕琢神功謝鋤
耘爲韻作十詩送之并簡其兄雲渠

何復居詩集 卷四
三
典型無復多後生鮮瑰異吾意道州才生或爲文字萬
古風騷懷悠然有餘思江水流湯湯淮海喜君至
日至麋解角月虛魚減腦文章有精氣消息貴知道卅
年繼鑿中神秀識天造當爲天下惜幽奧蘊奇寶
韋布苟不寒奚暇望朱紱顏蹠網俱逃乃悟曾無物草
堂風月中無災復何祓邈矣漢陰翁機易抱甕不
詩奇文復雄如何奴射鵬豈知十上書得雉不獲臬雨
雪感關河傑句餘宕堯嗟嗟君老矣肝腎乃爾雕
浮生紛百夢百夢無百覺但願意超然飽飯對衡嶽代
耕長兒童冷宦息謠詠且與雲渠兄詩就互磨琢

驄馬嘅將發落葉如殘賓向非草木秋焉知樂在春霖
盛河復洩萬室隄由旬無田薄軀幹吾亦慙江神
西域二萬里食穀棄馬酮當日開窮荒意在無邊戎帥
誰繼班勇吾久思李崇鼓吹望軍歸曝背談元功
五溪入江流沂江望溪瀉遙知木葉脫洞庭一帆卸落
日鴈高飛雁客子還舍煙嶂悄孤吟句定過鮑謝
朝榮暮忽悴何殊芋戲狙重念少游言知足真先余嫁
娶樂同井巖谷通村墟社罷定習勤兒輩園偕鋤
昔行念萍合今別悲離羣雞鳴風雨寒學舍藏江枌流
離子免矣寒餓我方殷應慨海東邊僕僕人田耘

送賓谷中丞入都

人才管葛盛名公，柱石姿澄觀超海嶽。以道爲羽儀，五年領鹽鐵。利豈數十菴，用舍通介中。徐公果不移，大臣志後樂。聖德明先幾，蕩蕩宙合閒。虎落宜急治，尙建李崇議。并慎充國師，屯田與立州。得失祈陳詞，河高縱可念。海運粟可齎，戰征古由息。門戶通西陲，陰陽參密勿。自可成坦夷，雖淡離索感。實望謀猷施，霜寒奮隼擊。霧塞增豹飢，巖阿幸好在。歌嘯豈復思，燕然銘未得。或作元和詩。

西園

西園雨過無人至，衰草殘陽上。吹臺萬事誰，思羅設後三年爭。誚瑟彈來知風鵠，果能防患得馬翁。須慮後災學道久，忘榮辱境卻因去。住罷銜杯。

同湘臯送賓谷中丞至召伯埭和前見示寒字韻
詩復呈一首

長河日落飛鴻急，岱嶽秋高立馬寒。此去卿雲照京洛，灑然心月洗江湍。憂時未覺抽身易，任重淡知論事難。莫怪頻增離索感，別公誰更辨蕭蘭。

過陳穆堂思園圓雪山房題壁上

柳絲垂地雪香輕，鶴夢初醒酒尙醒。歲歲竹西歌吹徧。

何人知道著書成

豈刺感空思國圖雲山氣賦塾上

吳習賦辭華涼知凡公畫長世標蘭

對然心且夫下前憂湖木發部長卷升重詩賦篇專業

安得日高飛

高好生

同賦早

字數入念米

二平字

休復居詩集卷四終



休復居詩集卷五

寶山毛嶽生生甫

病起偶遊西溪戲作小詩簡敦夫子仁子劬

溪流清不駛泳鱗無邇遐暄景入空明脈縷分蒲芽環

溪靄楓枯藤古垂龍蛇灣濼淡曲處一雨生楊花楊花

飛斷岸春去已天涯憶我同遊初童冠舟自划冠者既

抱孫童者鬢亦華歲月如奇兵疾行不喧譁而獨擾攘

身繕性成蒸砂昔賢戒暇日亦復秉燭誇源失判灘澗

徑闢通褒斜擔土築樵塢因樹爲釣槎林嬉信頽放雲

鬪何疵瑕殼音碎若簧細雨瑩如紗久瞻莫余晒遊子

占晴霞

賓華向游滇中有詩數百首後歸久盡失之去年
其友人忽得於臨平僧寺中子壽祥伯二翁皆有
詩紀其事賓華復邀僕作是詩

神物有隱見奇文迭興廢要能通幽明斷縑重崧岱况
君歷邊徼峯壑困磨淬山海極幽遐元氣洞破碎自當
耀百蠻長與碧雞對孰知光采騰輒復風雨晦縱非珠
沒淵不異劍辭佩鼎銘久聞寥惟悴老躬磴斯文天亦
忌兀坐可淡嘅昨來忽歌嘯仍觀夙雕績嚴霜濯礪華
細雨凍松黛天秀茁簷阿芳列一燈對嗟嗟吾與君流

落久衰退分無劉琨知默動子雲悔何如適清淨谷神
養其內折楊與皇莠一任詫兒輩

書陳鳳池秋景冊子

雁聲嘹亮荻花殘旅夢頻驚水驛寒莫說長檠照歌舞
何如書對短檠看

一家詞賦劇清華才調新知小謝誇祇惜池塘風雨夜

有人殘夢隔江花

謂小雲

出丹徒聞得風忽至瓜州二首

海水微茫近山綠萬頃波濤浸蒼玉江沙微白柳初芽
破網刀魚尾相續險中得樂誠可嗤一櫂忽到瓜州西

世人動色坐垂堂江神一笑真醯雞

焦山峰壑何幽巖往尋鶴銘曾賦詩潮痕未長四五尺

嘯歌已逐雲波馳山門旭日漾晴碧照水一僧頭半白

桑乾雲夢渺天涯誰念禪關慨于役

謂賓谷中丞
湘阜廣文

梁茵林方伯

章鉅

重葺蘇子美滄浪亭屬爲賦詩

因呈是作

長吏團茆七百年雜花修竹憶清妍俊游幾輩傷孤謫
甲第頻移付暮烟稱意谿山供坐嘯累朝風月屬名賢
知公高詠歐陽似不獨滄浪作志傳

翁覃溪學士往與茵林方伯論詩有燈窗梧竹句

方伯取此意繪爲圖復酬學士二時一詩和者數
人出示屬題句因賦此篇

至理集空虛萬物無畱形形色入聞思優鉢花長馨詩
翁論詩旨無象窺幽靈一念在梧竹秋淨聲泠泠風月
境猶昔海岳跡已冥吾知清夜夢溪屋搖燈青蘇齋不
復作遺墨愁凋零傳衣幸有在五葉開南溟源淵通性
海離合嗟風萍古琴自奏曲更感鬢上星靜與念滄浪
微妙其誰聆

方伯復築梁伯鸞高士祠於滄浪亭側屬賦詩以
紀其事

蜚遯出素志介節成明時峻哉梁伯鸞遠與巢由期雲
臺與賃廡今古何崇卑吾知潛閉樂抗懷良在茲明公
出安定方岳名高垂行藏跡雖異穀玉民交資而況巖
壑游宴寢心不移揭來緬孤潔爲作棲神祠庶幾挽頽
波豈獨族系私異洲誠尙賢舊邦或睠思吾行頌四皓
昔孰明五噫高風信元邈笑此神弦詞

挽金少華

承潞

爭傳凶問心疑誤忽見銘旌涕淚俱衰白憑棺成永訣
嫫媿在腹已名孤半生遺墨畱圖畫殘夜羈魂守荻蘆
不爲沈舟廢來往豈堪烟水感黃鱸

次韻寄荅盛子履廣文

大士

淮南

昔人感窮通龍蛇別諸士豈知蠖蟄中強半泥沙耳維
君鼓澎湃揚鬢立江水嶽瀆奠兩戒高深幾千里而能
追險絕歌嘯風霆起才奇遇益迤身退道爭毀近雖默
著書如覩迹求履吾昔聆微言光水乃孫子葆沖先腹
養洞冥貴心死湔磨結習在破戒語仍綺奚由黥劓補
已逐星日駛君何歎堅澤寶石色取紫道聽豈真熒多
聞更慙咫尺黎古大賢悔狂猶咋指何況吾與君其一
禿翁矣且共觀盈虛取譬夕行市

和前韻寄蕭子問子敬兄弟清河并簡子履

車騎多名賢塵堞鮮慙士虛譽獲飢寒此真生女耳蕭
君蔚國器論議著涑水乃令溷鹽鐵繫驥求千里雞鳴
風雨交慨歎爲頻起往者蓋初傾有兒齒交毀歲月催
負薪才識覘任履而我於名實頗笑面著子固當舐犢
行奚用惜雉死淮南老博士高節慕園綺偶觀土牛滯
用促小車駛豈知一蒯緱何處氣生紫雖欲強磨淬利
鈍不盈咫知柔老慕舌悔巧倖儷指何如炳燭明默照
性初矣耕稼倘云勞抱關有梅市

復用前韻寄子壽河南

文詞尙雄博隩區闊偉士橫驅靖剽竊積甲齊熊耳斯
義今誰明坎蛙矜淖水六藝益浮夸門庭真萬里先生
學綜貫廢疾爲之起此真大勇者堅不奪嘗毀金石聞
蓬蒿高歌時振履嘻余復何似隱几類壺子空文更欺
魄爭誚溼灰死固知百麻練不敵尺繒綺但未喻玉馬
廉剡久可駛句芒麗草木春風賜緋紫澄觀廓無障遠
道隔閒咫尺百歲幾委形萬事慨非指何時輪輻埋老我
耦耕矣懸識瞻夷門執轡笑過市

人日欲出遊未果偶作簡程序伯

庭鷺

綵勝何勞客製成霜華新入鬢絲明詩防險韻才真減
酒謝淡杯病暗驚隱几凍雲和夢靜閉門春草似愁生

比鄰誰識松圓子石鼎分泉煮餅清

序伯見示新詩復和前韻奉贈并簡胡子瑩激

少年詞賦擅蘭成老屋燈青眼倍明霧雨山溪憐豹隱
雲霄鵬過笑鴟驚微言會續歌吟外幻影新從聞見生
謂近好約垞南修水觀同參泐水伏流清
蜚語

寄子壽河南

歌嘯梁園迹久陳倦游誰憶馬卿貧興來杯酒妨禪悅
老去詩篇與道鄰日近地中嵩室曉雪消天外大河春
登高莫聳吟肩望有客披裘正負薪

荅黃子仁并簡損之丈鐘敦夫子劬三君賢嗣潛

夫

長來歲月速雙鬢旅中改毀譽誠飄風所獲但尤悔亦
自輕西家誰猶尊北海平生巖谷交莫逆幾人在而君
獨我厚不顧眾嗤給風雪過西溪歌呼久相待蓬累峻
方岳瓦缶重商賈吾儕行老矣何以慎闕殆懷哉二三
子耦耕志無怠

夙志在邱壑近復不讀書身心付沖漠隱几長遽遽先
生詩苦峻巒谷藏清渠奇詞助光怪復得陸與諸多言
昔余累大敵誰君如故應袖手坐潛伏同冰魚裘杆樂
初地孝友靄春廬詠歌輒有得攘臂遂如初敢云興不

淺或是支離疏

奇才代無幾有或敗所養傑出此黃童堂隅日負啟嶽
巖穹谷中金氣生漭漭但自蓄其流中溢極明晃余窮
久廢學增益不尋丈直以與翁遊敬我且殊曩文章益
詭譎誕若微蜀仇視昔訓詁家害道倍欺罔何人力返
淳期子共尊獎廿年過子室歲歲醉甕盎論才雖甚媿
苦語恃差長莫遽笑諄諄兒童正標榜

偶感

歌吟日夕海雲黃誰遣蕭然兩鬢霜貧似城圍無外援
病幾河決漫增防纖兒小技誇詞賦學子清言薄禹湯

懷抱就衰惟酒可雨風愁絕秫田荒

病中謝序伯畫荷花便面時序伯亦疾作

暑雨當階不冝晴慵騰閒聽玉琤琤遊人只合江湖老
纔著柴門病便生

出水芙蓉歲歲新新詩如畫絕纖塵茅齋縱得清涼訣
卻恨污泥苦累人

鳴蜩入夢隔溪風海曲今誰問禿翁苦憶劔鉞峰嶂外
瘴雲消處荔枝紅

立秋後一日與數客消暑西隱寺偶作

雨洗星河暑漸殘芙蓉繞屋水雲寬清風不用一錢買

脩竹能生六月寒老去聲聞真蟻垤平時物役笑秋翰
此心縱會清涼地其奈獅林逐野干

越十日復飲於徐氏谿堂分韻得脩字

衰憎波路闊病戀水亭幽世外王官谷樽前杜若洲微
霜先悴柳涼夢不驚鷗物理閒觀得晚晴竹影脩

次韻虞山蔣子延

寶齡

見贈

流完不易老醉鄉故交俸孰資陳萇詩空落雁問圓碧
書官換鵝臨硬黃共憎褚小與綆短爭笑肥癡復瘦狂
他年賃屋破山側可免首陽署後堂

栖筠昔立復禮鄉掾吏乃名龍邱萇飯牛客自感昏且

相馬士休求驪黃長松巨竹可閒臥急雨暑風宜酒狂
此身何日豹林谷一笑人間偃月堂

和前韻題胡子瑩裘杆居

老樗自樂無何鄉韜管奚取豐山萇六時枯坐室虛白
萬里瀉胷河水黃其書瓌璋漆園智與道環樞楚客狂
擾擾六鑿滑和甚從渠詞賦誇升堂

雞鳴膠膠懷舊鄉湖足菱芡園蓀萇褐夫皎日犢生白
宙合清風蚓食黃喜君林木秀而野稱我歌吟莊復狂
士人名節有如此莫負平時酬蔣堂

復和簡潛夫

窮閣滿屋列戟鄉衡輕較重柳與萇百歲枯苑禽黑白
萬人組織絲蒼黃北山河曲孰愚智華子儒生誰聖狂
地文何似墮天表坐馳吾笑同垂堂

與敦夫子仁子劬潛夫序伯子延王雲垞 步瀛 飲

酒胡質夫 起鳳 園中醉後戲題其虛舟齋壁

逸老思山樊養病適風牖花竹若堅城屹然斷攻誘至
和不外攫勺水悟虛受渤澥雖遐淡洞觀復何有玉池
潤嘉穀奚容雜稂莠嗟余久學道謬悞生杯酒近頗習
坐忘終媿漆園叟雖然陳迹中亦復厭芻狗責子漫嗤
陶懲咎奚假柳古藤幽石積明星悄魚留題壁勿余譙

聊濯夙塵垢

余十六年前
題詩尚存

明日復過園中題吉祥室壁上

林壑風摧蟬翼蘆陂雨溼秋豪萬物不撓性始百年誰
解天弢

幽壁銀黃蟻穴晴疏山嶽蚊巢夢覺笑觀炊累溜窪漏
景生泡

和前鄉字韻謝子延圖余所居草堂子延嘗遊閩
中喜畫其林木峯壑故篇中及云

海濱夢斷枕榔鄉嶮嶇忽復垂藤萋鐵鉤鎖破竹雲碎
碧玉簪攢林霧黃儋州奇句柳州筆杜老窮愁鄭老狂

何日比鄰風雪夜梅花歲歲醉谿堂

與數客復飲園中明日共賦卉木水草以爲笑樂
敦夫子仁子延潛夫序伯質夫子瑩皆有詩戲爲
作蘆花五絕句

雲外灣環卅里遙菲庵阻礪夜聞潮禪心只在秋豪末
明月千谿逐羽翹

崩湍雪落兩崖鳴石齒巉巉石髮晴直使幽遐寫冰鏡
兩三花共鷺鷥明

背郭孤亭別渚通南樓星影悄飛鴻江隄暗上無人見
瑟瑟蘆花響水風

芍藥芙蓉瞬息空古來烟月笑秋叢碕蘆善寫荒寒景
誰補蕪城一賦中

日夕池塘水鳥呼雲根剝削接平蕪劇憐老筆頽唐甚
更逐秋風寫折蘆

次韻荅子延問疾

未成華子病差類律陀眠夢戀山樊雨衰愁旅鬢年行
藏餘奔在哀樂仗詩傳祇憶新芻熟西溪掠社錢
鄰園窈松檜虛舫可清眠見性仍秋水寤歌非故年
空歸燕遠幽麗夕花傳頗攬安心法誰爲乞酒錢

子延將歸賦詩與別并簡蔣澹懷秀才

志凝

海濱無山波嶒峻雨多瓴塌簷垂繩空青萬里健筆乘
雲嶺日曬負盤鷹子豈學幻尹文能詩更幽古寒月緜
峻厓壁立石露稜窅然洞壑圓靈激奔湍驚落瑩如冰
嗟今詞賦紛憑凌斜鑿道驅魚鮫霄霓嶽萃跋羊登
巧者金弧競射棚木截更薦明堂登奇質古麗互歎矜
子獨恥之目視瞪余慙學薄嗤裂繒石田空有千萬脍
乃詡睢渙困堆陵子縱我譎人子憎城西竹榭幽可凭
有筍可掘肉可燬氣蟄元坎蘇羽翬醉夢得句先雞興
決起忽笑窺騫鵬此君元氣恣奔騰颺輪直以大力承
子行得宗我失朋豈慨形謀漂流仍山劓陂埽叢且矰

獨行日鮮遊情增余遑子惜行擔簦寢廉席義仁曲肱
日余著蔡人羹懲瓦溝霜白風歆燈寤歌且共鐫剝藤

余家後圃與序伯所居僅隔一垣子延戲爲作牆
頭過酒圖因作一詩簡二君并寄子壽翁湖南子

壽屢欲過余草堂未果故以詩爲異時雞黍約云
形骸土木筆頽唐痛飲新辭阮籍狂此日詩書欺老病
當年風雪悔蒼黃談元客喜樊籬短買屋人爭竹塢香

子延時欲
卜居嘉定誰與遊梁車騎說晚晴我久賦谿堂

遊菩提寺夕宿震川講堂

江流入海淡地共精藍古寺建於赤
鳥年間孫吳僭竊消臺殿

峯平楚雲龕杉桂幽徑僻樹根阻秋花孤蜨明竹溜瀉
晴塢隔牆土木侈金碧燦堂廡緬彼畏壘亭更與鑿松
戶文章玉穀珍車騎藤蘿詡吾來適酣臥酒醒日到礎
物生縱故芟糟粕豈清醕破縑秦坑灰淨域漢夢土同
遊競登眺題句破殘暑亦復意欣然孤吟和鐘杵

明日獨遊奈山過子壽翁山下白石丙舍偶作二

首奉寄

溪斷門新闢松高路夙諳巖英懸實赭水草吐花藍日
藹龍驤穴雲幽佛火龕更尋寒碧榭蘚壁負蝸蝓
遠遊愁塞雁近陟愛崖雯竹長題名失淺寬泊步分文

章鑱石骨歲月漾波紋晞髮還孤立風廊醉夕曛

重九日與姚子樞大令櫪張柳泉太守若春上舍

偕三客橫雲山登高明日復汎舟泖中飯於潮音

閣舟迴欲復遊辰山余以事遽歸戲作五小詩呈

八封三君并寄子壽翁河南

海景潔纖翳遙青落寒岫皚皚百丈壁隨竹自斜表屣
屣敗榭古樹根穴貯濡帽屋松風吹默坐日移螯

昔賢盛述作文采耀荒裔落日亂鳴蜩垂藤窈松隧百
年含清堂雙桂雲鷲寺煑茗聞天香澄懷向初地

嵩嶽鎮地中陽暉洞雲頂自古出偉人體用極峻整揆

藻謝鄒枚潔行付箕穎直養悟遐觀河流始溟滓

時子壽翁

方遊
嵩山

元窅昔萬頃潮涌沫如穀夜半聞風雷浥潤到庭木忽二十年稻畝暗滲漉僧廩雖云高秋潦漲平陸

杉霏溼雞柵積日頽芻廛田廬信卑隘魂夢謝殿最病久怯纏滕老尤畏束帶聊復此遨遊醉哦荅鳴瀨

序伯屬題侯稚園先生昔病記後

璧月瓊枝枉斷腸豈知魂夢亦滄桑魚山洛浦皆神女付與才人細打量

身世江關感慨多三山舊夢奈情何人間無復東坡老

誰與歡哀賦短歌

先生復有雲都十七郎官石印今藏序伯所屬并

題句昔江西萬尊師善劾召鬼神虞山為作傳聞

先生往夢遇神女師為榮禳書乞道其事先生因

作昔病記貽之詩故戲及云

蘭苕蘊秀麝馨明浩劫難消絳闕名蒙叟若知香草意

白頭應悔學無生

題周東村漂母圖

長淮高柳色搖碧倚者儻募食者戚敗筐樹底君莫嗤
中有漢家年四百劉項未覺誰雌雄畫師苦憶王孫窮

釣臺欲雪西風急老矣何堪寄食同

次韻子仁久不作詩偶成見示

羸疾衰始增流光長尤促縱忘蠻觸鬪莫救鶴鳧續豈
如谿上游野唱絕囂俗一篇未為少百首豈云足霜寒
礪戶清諷詠輒信宿祇嗟吾惰遊歲負社時酪顧茲盡
華髮晚學嘲炳燭奚暇悲軼珂怨句筍成束人生欣一
飽不待教倉粟夢醒無虛榮名浮有真辱誰為霧豹隱
吾更慙龍腹

次韻胡子瑩見贈

志士困堙鬱不遇乃作賦吾何傷吾材摧剝得堅素平

生黨朽竹何異簡中蠹期子識閎通勿為鼠璞誤謗讒
倏電滅仁義易塗附何況外文章正偽出心悟金注子
徒捐漿饋我滋懼勤與叔度來蓬藿時一遇

復和前篇簡潛夫

文衰率藻績登高詫能賦誰為發其覆敗錦緣殘素何
如吾黃子百家勤剔蠹至道與郵啜岐路悲羣誤景烈
眾光微瀆滋萬水附學古尚虛明澄觀可默悟久甘技
薄嗤新識經殘懼喜子益多聞起廢庶今遇

次韻荅子仁題拙句并簡潛夫

吾衰困行役子窮伏莽榛鵬翮尺鷃哂援靜王孫曠惟

餘文字奇峻逸如畸人溟滓溢光水曠盪涵虛真陋彼
燦形色忽滅隨颺輪自來遷化悲貴賤同此身要惟窺
性始日與元功新浩然充所養豈復憂輕塵後生詩吐
芒流火明天津幽通喻勤弈神解邁積薪

潛夫喜弈故戲及之

食河豚戲作酬子仁

鯀姬海底隨陽生早應卦氣來江城

瀕海郡邑冬至日率有河豚中孚為

十一月卦故先儒或戲目即豚魚云

肥厚不復數逸鰾脆美豈得誇離鯪

當年賦客共鮪列厥初山海傳鮭名休哂科斗詭同狀
莫詫鮓鮓苛交捩腹背錯采色組麗膏乳截玉光晶瑩
千斤客自賦稅敵一部我久躡跣輕遠從洲渚逮華屋

近辦腰尾習概烹紛然刀鏹剗削淨謹視釜鬲始煤撻

正如服食聚金石盡汰礦悍求精英古人駘背祝黃耆

奚待論說煩匡衡娛腸味率慎纖末期頤養益覘康平

豎儒強為性命忍失箸不異雷霆驚豈知興息醜毒發

何止衽席蛟鱉爭剗精竭髓媚津要返吞仰噬趨影纓

幡幡齒頰召千指擾擾腸胃攢五兵或者箸書巧言語

破碎大道矜華鏗貝璣飾網銚角網跬步觸死千百井

祇恃鼎俎戒顛覆其奈焚沃摧芽萌養外莫追疾攻內

察冥競惜晨先盲雖然陰火煮澎湃偶焉觸物頻惘惘

質溫可少破結轡氣躁每卒傷煩醒無鱗幸不犯腹忌

善怒慮或滋瘦成矧余中憊惛甘口可輒大嚼惜懲羹
貪嗔已盡戀香味駱馬縱去畱嬖媿鷓鴣下啄固嘲諷
獼獼不食真縱橫一篇諫果有回味眾生毒螫元微呈
行拘蟣蠅佐筐糗便棄劍鍊勤鋤耕食膏九地慕潛蠖
跋浪萬里忘奔鯨奇書無復枕中祕豚魚夢捕占豐盈
論衡言毒篇云毒螫渥者在魚則爲鮭與鮐鮓詩箋牧
人乃夢人眾相與捕魚又曰易中孚豚魚吉故述以爲
戲云

次韻序伯見懷

浮名互鼠璞世事紛苑枯寂然不動中豪髮皆道腴慨
我心獨盲摘埴空索塗君何勤念我日與雞鳴俱露電

忽生滅象數不畱銖空期王霸高競惜楊彪臞編剗且
莫矜衰病誰可娛君才若雲立卷舒不可摹志高命則
屯旅夢驚傳呼寒冰坼斷葑微霰鳴枯蘆搔頭弄稚子
醉酒真良圖莫更聞挈音逸興生江湖

子延重過嘉定與胡子瑩唱和有詩病中皆書以
見示少間輒次韻奉荅

情遊廢犁鉏歲月老雲磴偶歸居海曲暑雨臥荒徑久
知涼風生雁外榭可憑剗精咫聞滋韜智道華稱二君
中虛明月出翺飛定余衰無奇句句奇或君賸奚由自
鍵閉熱然辭視聽土室延虛光松門樂餘暝萬物爭益

形未悟形易罄縱矜蟲善負何異鼠窺甌風雨志士感
草木幽人興吾道豈終窮知命易可證社耐信重佳谿
實覺秋勝過我且喧呼肺疾冀蘇醒

李申耆先生

兆洛

屬作陳貞婦詩

古人重節義生死志不渝是猶已結縈不以常變殊賢
哉陳貞婦失父依女嬖伶俜處閨閣朝夕戒陝輸既字
於杜氏杜復隕道途感此移天重不憚填海劬從容白
女兄往撫故姬雛涕泣葬旅櫬挺隧偕舅姑孩提率婚
嫁歲月消茹荼禮設有經權輕重任所趨果自為其難
乃益合道樞毘陵有儒碩為文表集枯論云天所篤此

意賢達俱霜慙澀素機日曠昏堂隅熒熒一苦節屹屹
傾危郭淒涼寡婦賦焜耀列女圖詹詹何足云聊以貽
其孤

同申耆先生和德子浚大令

宣

殊方二首

驍騎紛馳虜腹中緣邊壘築受降同廉明使早思張奐
州鎮更去誰數李崇羽獵待誇禽獸眾屯田差逸饋輸
通合兵都尉休頻警款塞羌夷久嚮風

荒遠休言微極難防秋萬里又征鞍榆林久策支兵少
葱嶺淡憂積雪寒唐代恩餘擒頡利漢宣威可服呼韓
閉關保塞空前事實靜翁孫劇慮殫

夕過西溪有懷子劭常州卻寄

蕭颯川原蘆荻秋黃花悄與客生愁沙明鴈影清霜至
林斷蟬鳴大火流身外功名元質鼎眼中文筆幾迷郵
杜陵沽酒思相覓慚愧東坡說艤舟

越五日復過西溪雨作舟中獨酌簡損之敦夫子

仁潛夫

駸駸世事釜鳴雷旅食生憎候雁催湖海雨風支短鬢
礪阿歌嘯付淡杯不妨蒙叟譏溝木頗笑韓生詫溺灰
鄭重西溪雞黍局亟教兒輩闢榛萊

與敦夫子仁子劭潛夫祀坡公於西溪精舍

文章積謗毀高才例奇困豈果箕獨靈百歲阨羣怨吁
嗟玉局翁強弓彎寸寸經緯通人天瘴海老荒遯祇餘
詩句雄浩浩風九萬余材舉似公棖棟責藤蔓而乃磨
蝟同馬尾歲塵空西溪諸老宿落筆共濤歎慕公爲公
壽法供潔登獻歲晚蟄龍蛇古柏垂斗逮雪屋與天鄰
樂公以無悶曠蕩赤壁游辛苦惠州飯榮辱旣皆空陳
迹空繾綣百世如風狂老矣復何願懷哉東海濱伏臘
酒頻勸

常州道中雪作寒甚偶作簡周伯恬并寄子昇揚

州

重陰春已歸土膏破萌蟄川塗欲雪意枯葑氣頻溼毛
氈忽滿眼星霰失光香高阜皓已平坵壟巧爭入平生
輕江湖老大戀垌隰犁鋤重圭璧命薄不遑執頗念江
都生如松雪中立僵臥獨呬唔帷裂戰風急周君句絕
麗數米不畱粒山雞照冰瀨毛羽轉淒澀瓌偉困奇屯
親交畏波及暄晨無復存慄慄更誰集我貧少勝之日
日杯鎗習欲以此酒招波凍岸無級遙墟烟閭生敗埃
溜時灑灑重響側舷穿翳晃藏簪默對肝鬲瑩酒醒散
憂悒

人日與子仁過敦夫夜飲二君有詩戲荅二十韻

海曲風已暄溪流淨微瀆槎枒翳凍暉岡陂覺春盎蕭
齋積殘雪階冰綴屨縑嶽寄共醉樂笑語憶疇曩句爭
海月幽氣早玉池養燭冥鯨波翻閟景嶽雲朗穆行耀
瑤璞榮級斷菰蔣蒿鷄樂飛騰山虻悅清響黃河冰數
尺天山雪盈丈鐵甲森鈹鋤鷁首緬泱灑與君皆惰農
曝背謝鞅掌地德食茫沈天表墮明敞瑰麗孰銘山歌
呼交擊壤醞芻助保社添丁製文纒敦夫新島嶼規種
蚶桑柘課收蠅勞形慨殖窶約已適俯仰瓦溝霰琤琤
鼎腹燄燻爨積欹驚客髡屏觸笑僮詭嘯詠溯遊遨駁
雜徵里黨啞啞聞晨雞悠悠理歸枋

三月八日與序伯賓華百一山房看牡丹憶與遂
初讌此已十易寒暑去遂初叵時亦五歲感次序
伯詩韻簡賓華

亭樹層層碧蘚滋殿春花對客衰遲篁抽珉螭遺筓在
泥落雕梁乳燕知照眼穠華元夢幻搏髀笑戲記瓊卮
裴璘月露輕題句園柳愁勝日夕時

和子浚題傅青主徵君虎圖

亂谷槎牙日初出猛虎誰闖氣雄逸妥尾危蹲風滿穴
空山文采老無用胸次空吞九雲夢落筆星垂破鴻網
晴光閃爍眾辟易乃爾題詩飛霹靂橫槩君真萬人敵

朔風冽冽寒雲屯善射豈獨飛將軍砂磧西望空愁人
次韻子浚題孫虔禮草書景福殿石刻後

道衰藝亦輕雞烹乃用鼎能者強嵬駝縛驥苦求騁岷
源不知飲救渴恃埋井誰爲泯險夷高浪曬秋景隸失
闕醇邈草詭務奇迴空令子厚翁變法笑書永矇瞳萬
物初神功獨君領鈇掘出元化毛卵破飛隼舞獄迄書
論斗振精爽緊誰知開闔中復此見淵靜風雷廓無質
攫物輒摧猛藏虛極汰沃瞻闕兆眇町雖然陶淬始何
異幹劇縷截業積微塵事豈獨豪穎長廊隱松鬣黝劓
墨煤靖根柢默參微妙壯足自省駁靈久懷充泉迸復

休復居詩集 卷五
思耿淳閱菱儲鐘明涵璞留礦固知擅體製未可盡精
敏姑滋絹帛浣緘祕夙同晒

復和前韻贈子浚

繁巧散淳樸銜指僊著鼎文章豈不然貴與道相騁碧
雞耀南徼太華削東井顥氣坼瑰麗織末寫夙景平生
堙鬱懷一洗崖嶂迴文武備翁歸諷議恢谷永旂旃盛
羽獵熊館射生領孰意奉弋弓壺矢詫飛隼唐人投壺有飛隼之名子浚特工此技霧雨空忍飢裋褐颯淒緊逡巡君海濱名實
付鷗靜外明憊晦滋內閉阨攻猛光水積窈冥何徼可
域叮吁嗟學淪陷莫可挽長綆俶詭復雕鏤誑譎自才

俊先生久戰勝胷次極閎靖僞刻忘體冲縮養先疾省
余材僅亭障豈可值韓耿氣應暈隨灰英竭永充礦頗
思樗櫟全敢誇農馬敏兀醉且歡呼二豪伯倫晒邑有劉伶豕故戲及云

九日與申耆先生子浚大令吳山子育劉箴山銘

君山登高有懷子壽河南

細路淡愁出莽榛孤亭差喜壓嶙峋日瑩雁背天如洗
秋入霜螯酒倍醇蠟屐久催蓬鬢換滌場空憶耦耕頻
未知崧少支筇客曾夢舡歌碧泚濬

和子浚登君山

危峰臨島嶼石骨困掀豕海氣晴圍櫂江光凍落杯暗

潮驚鴈宿微雲約鮐來聊遂支筇樂題名剝礪落

山下多宿

鴈宋羅氏願云河豚魚江陰最先得冬至日輒有時去至日不三宿

和子浚詠物二首韻

蘭

瞬息芳華怨露叢孤根潔豈易飄蓬離憂自古三湘外
感遇何人一曲中碧梧翠竹息游地幽谷巉巖明庶風
平生未了聲聞果默坐香疑蒼荀同

竹

脩篁晝寂坐微陰隱几嗒然時會心清風萬古逸民國

夏石半空韶濩音庭中寒碧斷塵枉物外幽藏忘德愔
江湖老矣合歸去聞說荒園霧雨淡

和子浚凌霄花久萎忽鬯茂作花

隱憂感草木坦懷忘盛衰南風日揚詡璀璨繁枯枝頽
英斐朱明翠蔓影華蕤卻從霧雨外寄此窈窕思昔萎
竟何在今花復何歸有形偶故榮無著空幽姿芸生靡
不然萬有爭纖微成虧默象易榮悴皆物非使君道味
熟妙語如初曦代謝泯所遇空質交華滋標致豈氣節
乘化奚祥襪北窗有涼夢醉眼矜熒暉

此花昔移自粵中

申耆先生往以坡公易奎星之祀今公生辰既邀

余與箴山良卿率諸門徒祀公講堂閣上復和余
去歲祀公詩見示輒和呈并簡二君且寄敦夫子
仁子劬潛夫

晏憫越石窮孔憂孝章困百世眉山公綠衣解誹怨君
才與眉山相去不閒寸橐籥無蘊靈岳瀆收羣遁反樞
峻抱一壑物肖吹萬學舍翳江枌櫚庭綴寒蔓風露窈
姑射鴻網測隱空偶慨龍蟠泥不異驥俯歎迴迴奎壁
光薦類松鶴獻買屋公未遂飛閣爲公逮少慰公崎嶇
一變俗淳悶余貧久寄食敢望或持飯危墮緬長縷涉
揭昧短絀剗羊祀競陰垂虹被皆願纓紉感無田傭犁

亟歸勸

傷阿曾

余生涉艱險峻坂疲登驢殷勤慰素髮頗賴此子賢瑤
瑜志氣清狼籍揮丹鉛歡哀測意旨大母加寵憐衰門
百無冀文實四世傳豈遽責珪組庶望勤鑽研一朝忽
摧萎數定亦已愆窮奪父子恩慧增歲月悵入戶阻須
臾啟衾空涕漣貽爾藥石誤遠游實使然遄歸紛霰雪
瓴甌冰瑩堅聞汝病見此悽愴憂江船才縱揚信遜行
或趙至肩余哀豈一慟汝恨殊九淵明知率委順輒慨
如膏煎襪襦閔跳盪觸躒疑蹠躑經履兆庭庶景響儲

曠暝汝兄既童駮汝母尤悲填歎獻室屢聞佛惛夢可
蠲撫膺藥欄側老淚如奔泉



休復居詩集卷五終

休復居詩集卷六

寶山毛嶽生生甫

寒人日漫興

歲月駸駸入鬢絲錦綳龍筍久成枝病餘差喜心無住
老去爭嫌句不奇萬事後人真瓦礫半生養性是支離
草堂數點梅花放恰對微吟被酒時

次韻雲伯大令去歲餞序伯歸嘉定作送客吳江

黎里

釜魚競尊范斛椒乃摧載窮餓出奇才風雨一燈對文
章貴雄博畫地笑兒輩大袒服誠夸小車乘何快吾衰

久廢學如仕忘殿最微翳障山高羣流入海大君思膾炙佳味豈棄葱薤

銅龍水徐鳴雲日麗飛閣松杉霧月上泉扉敞巖壑嘯歌適嚴鄭銀黃耀許霍顯晦志不渝短長喻鳧鶴與子久坎坷微名慕翟籥勞形慨蚤駉養性違華鄂馳驅白髮生風雪夜空酌

壤室坐孤諷層冰乘遠遊橫琴緬昔賢明月生古愁羣飛塞寥廓朝夕聲啁啾婆娑興不淺亦為登江樓眾有積名理極窈夷沈憂一杯飲未盡萬象紛與酬懷哉不可得時命其相繆

陳侯富文采樂奏瓊臺仙冰絲瀉海水琤璫鳴玉泉迤邐生跌麗古久傷樊川桑麻夢徂隰黎棗穎寸田菌椿有至樂樂化隨寥天鵠舉慨君志雞鳴增我惰躬耕倘可遂符藥真飛煙

雲伯僑居吳門日以導引為事

征途乃侵星露宿屢愁恙大患緣有身高名客奚養平生懷田廬耕鑿獨不讓野館風吹櫺有夢輒饁饌世孰佩牛慙吾久炙轂誑詞賦謝嚴徐學術尊孟況亾羊豈讀書勿增歧路悵

樂遁蓬藿幽旅食風土戀空令百代士行藏窺染翰壯心久摧敗悲色孰開宴迨征逆旅中老為歲月餞雪消

沙景融春破柳絲散君何復挂席藤篔感毀硯海綠入

湖波相避如鴻燕

余久思退處不復出時復將遊江陰故感及之

題序伯所繪東坡翁捫腹圖

遼夏雖和國已敝百計青苗救衰替悠然宙合變通懷
卻有綠衣知此意江亭夜起空三歎桃柳霧襲香雲殘
鯨波萬里連天黑袖手休憎倚竹寒

簡子仁

凌兢馬首失崔嵬索寞唐園廢草萊出處中年無上策
毀譽末俗盡飛埃夢魂溪屋明秋水感歎綏冠負玉杯
桔梗雞壅有時貴乘流得坻我何猜

漫興

學術全無我文章久讓人胥疏矜野釣衰病樂殘春龍
笱黏新籜雲絲續舊蕪西谿誰置酒醉眼碧粼粼

東崦

浦溆燦沙礫峒壑瑩霜菅欽寄數茆屋湍激成灣濶高
人久不出山鳥時聞關空庭悄蘿壁滴溜鳴幽潺強沾
村酒醉石牖峯迴環微雨適休耕牛犗葛牧閒壯心鬱
煙瘴逸興慙鷗鷗耕鑿徼懷葛簪紱鄰黎軒久思築室
住頗憾傭犁艱內明欣鑿水外患傷囚山流連西崦詠
慨歎東岡還宵隨松月昇騰騰迎谿灣

次韻方植之東樹偶會有作五首

壤積爭岱峻茵億分椿年向非不亾存儒墨知誰賢斯
文瓠鼎簪小技夔蚘憐喋喋究何成朔齒空貝編
經濟豈無本詞章亦有道要自清其源伏流乃淡造乘
時金外眩充隱谷騰誚皎然出處間乃爭螢火耀

觀河悟性存隱几樂吾喪豈如寂感激萬物與無妄華
實一以詭爭名益偏宕經師與儒行水火迭休王杓旋
不畱景風鳴孰爲唱至亮動無形微明乃多障吾自慎
樞機多言夙滋謗

杼投名惑參塵掇行億回積誠尙織懼飾僞宜後災俗
儒矜勦說虎嘯忘罷來曲士護虛譽鼠腐乃鷓猜寡過
苦不易責人還已哀

物生既有質苑枯無時休參差問大鈞識亦醯雞侔天
人有至理溢出成浮漚履非跡能造轍乃車所由讖緯
信屢中童稚誇藏鉤奈何入經訓贅決滋瘡尤鄙生強
立異一孔倍可羞六藝無不然誰別淄澠流

小玲瓏山館芍藥盛開效梅蘊生朱稻生體寄湘

皋良甫

舞閣歌堂久怨春豐容盛鬢若爲鄰雲窗窈窕香成夢
絲鞵嫵媚玉辟塵鸚鵡將鳴驚楚士靡蕪欲采愧新人

竹西路共州西夕殘醉慵騰倚淺顰
愁侶分飛怨燕鴻釵梁重見淺淡紅
邃屏焚麝醒誰析別院吹笙曲易終
環玦思沈簾額景銀黃夢破鬢絲風
劇憐杜牧歌吟地鎮日瓊華對霧中

蘊生屢約來觀芍藥不果鵲花復開
細葉繁英穠姿纖質幽怨自持瓊麗
獨絕此花有紅白黃紫緋素相雜諸
品得自海舶非獨蜀鵲比焉數十年
來吳越士大夫家多蓄之茲園尤夥
意偶有感和前韻復效其體奉簡并示
稻生

雲華襲積島痕春雲彈窺誰問楚鄰
藻井麗傳珠似火瑤臺幽憶海生塵
襲予芳甚畱仙客薄怒頻多拾翠人
舒嘯不關遲暮意連娟倍惜遠山顰
漠漠長沙感塞鴻盈盈輕淚憶鵲紅
金釭瑟瑟鮫綃薄瓊海沈沈玉漏終
解珮神光眉刻羽迴橈人影帶當風
相如病後心情減約畧琴調鬢嬾中

前詩欲寄湘臯忽得湘臯去歲九月書復和前韻
簡二首

風雨瀟瀟蘿薜春巢由無分託東鄰
空山邁軸先賢傳湘臯著遠道流離障扇塵
錯綜齏鹽齊鼎食飛騰雞犬有楚寶
笑陳人蛾眉謠詠偏饒古楚國應憐越國顰

衡嶽雲高沒斷鴻
螢飛隋苑又惺紅
反騷志本輸芳潔
微管交誰見
始終文采已摧奚
隱霧悲歌欲輟奈
回風
澤葵荒葛休搔首
馬廐行看綴賦中

曩與湘臯所居舍皆頽圯

題史忠正公家書石刻後

蒼黃受闕寄傾邪
矧交訂當年利濟懷
久惟隕厥躬義
難嚙指奪事豈絕
裾同矢死報骨肉
知廢令蹇忠言哀
氣獨正時遽書
尙工烽火信危險
德器真粹充虛堂
悄秉燭簷溜奔迴
風慷慨獄中書
我更悲汪童

夏節愍有獄中寄母

書妻

題王二波騎尉

嘉福

江樓卷子

花月春江夢似雲
弓衣繡句舊知聞
時平不用橫長稍
且與騷壇自策勳

江波渺渺隱遙岑
誰復登臨共苦吟
風雨夜寒春草長
不堪孤坐聽鳴禽

春晚感興

五泄山顏九里邊
雲蘿如水水如烟
胥疏無分營邱壑
白髮空令憶輞川
箸書何日老鄉枌
長向湖山怨水雲
芍藥花開三十里
不妨殘醉對斜曛

題鏡心圖三絕句

明鏡固無臺澄心本無物將心與汝安對此鏡中月
鏡明不在色心澄亦非外塵蒙終有光物害去其太
妍媸無怨恩德僞有勞逸鏡與心相忘暗與瑩俱失

題園壁二絕句

雙崖壁立處古木垂蒼藤鼯鼠忽驚竄景晃微陽升
積蘚生層青嵌瀨洩淡黑微露泣朝光潤此太古色

哭潛夫

大化無停機賢愚同見徂久知有此別不意成須臾文
章與道德徒高身後譽無譽亦何害微傷草木如滄海
偶相值同舟獨厚愉感子師友意愛我骨肉逾親故增

惻怛觸事率歎吁神存失軀幹歲月儻恍俱去年臥堊

室風雪勤子趨我媮未圖死子病乃益劬

時潛夫亦居憂問疾

阻子出憑衾疇余扶縱敦巨卿諒莫慰楊彪臞嬉戲有
三子參差俄藐孤每思報子德未死當教渠飄飄吾未
定誓心久恐誣昔歸日就子織樂不忍殊今如子未亾
言貌思川涂欲旋輒憂沮夜火悲郊墟

夜讀山陽潘彥輔解元

德輿

詩詞旨簡茂辱贈和

荅

物外斷塵枉山雨鳴琅玕草堂鼓清瑟江漢生微瀾昔
賢矜慎懷外內皆夷完如何風雅途乃作芻狗觀樓臺

峯華嶽環玦鏘冰紈至人空一笑仍發蘇塊歎平陂貞
素履酒溢欣春寒

和彥輔登揚州都轉解後平臺望雨用韋蘇州對
雨韻二首

朱明詡萬物積莽氣蒸霧微陰先禽鳴茂意闐庭樹嘯
詠歡哀俱臺榭成虧屢澄觀往復機無始契無住
喧靜生有迹既雨穴溜來雲峯盛長夏宙合始微埃至
寶爲物用質傷乃見才嶽寄數石間脫巾且徘徊

與姚石甫都轉瑩潘彥輔金山放舟宿焦山松寥
閣明登絕頂二君有詩用酬是篇

江流渺吳楚海月生幽巖孤光導元穹松枯森厓屨氣
通井絡永險扼甌閩采危登攬羣動夙想懸遙嶷坎孚
徹垓野急流如有期元化慨遷謝至理疇此僂先民葆
土穴烈士殘戈鉞貞素徑率坦復性形靡虧與君異出
處白髮天風吹自來用世者不廢雞鳴思鵬騫恢逸志
蠖屈修真儀滔騰塞孤壅窈冥藏初熙多言豈道要磐
石躋忘疲

題海門庵壁同彥輔并序

彥輔志意慤直學既明粹尤善爲詩歌余前贈
詩云草堂鼓清瑟江漢生微瀾其夙穆何如哉

比石甫約同遊焦山既登絕頂輒賦詩屬余明日日出余與彥輔至海門庵庵在山北尤遐僻竹木禽石皆若與世相忘幽藏於山海間者彥輔益有會余前詩嗟歎其旨因念古人隱居求志所以婆娑於萬物表者豈僅是文詞然哉石甫仕方顯彥輔行亦將出二君德業都未可窮量獨余衰遲山澤有違出處爲可愧也用賦是詩以紀并邀石甫同作云

日華散洲渚門掩峯壑蒼岷峨山盡處江海藏虛堂古人述作旨樂憂通行藏誰爲黃鵠舉莽露爭微光斯文久堙塞老我悲凶羊百代隱居學寥泖徒相望石閒數叢竹澹若塵區忘他年風雨夕應憶龍吟長

松寥閣晨起有作簡石甫彥輔寄鄧湘臯長沙申者先生江陰

高閣無炎歆夙曦亂潮景江海水分初青蒼峽嶠永浮生幾蕩滂六合喻苕穎川流視萬里性定意姑騁頗思穴處樂疇傷疾攻猛知止雲山輝有道邱園靜濯纓七澤幽晞髮五湖迴茲山舊屐齒十載苔髮冷肥遯誠悠悠孤漂行恹恹松飈鼓龍鬣崖溜噴鶴頂念淡甫沈沓懷澄復光炯寺古殷鳴鐘榭敞閒煑茗瓜李午易謀巾

履晨可整永嘯聞濤聲餘事真土梗

鴈家詩同彥輔作

康熙間寶應縣柘林寺僧買弋者一鴈畜之數

年其匹忽至相哀鳴絞頸死僧瘞寺側余友劉

楚楨寶楠感其事為作圖乞題句云

憂樂不相棄生死同一方頗多賢達愧矧彼禽頡頏窺

其畢命意幽憤已久傷廬江孔雀飛厥音哀且長

題飯牛山人募驢圖并序

飯牛山人羅氏名牧善繪事以老疾募買一驢

魏叔子為作疏吳梅邨朱竹垞韓慕廬分贈米

錢繭紬先是羅文止以書一部準錢他贈米錢

者復十一人其知名者若楊以任陸仁庵釋子

童碩忍衣其米至多者不過一石錢則不過一

千少至五十山人之狷介諸賢之貧乏可略見

題詩者為梁北潭清標汪鈍翁琬陳香泉奕禧

跋者為符曾與釋子大汕大汕以童碩助米為

非復云梁大司馬出此見示則此圖先藏北潭

家矣石甫得於揚州屬李申耆先生及余賦詩

時石甫適權轉運使而官私清貧倍甚不獨如

余旅食者因戲及之為書於李先生詩後

飯牛空山中分無駟馬馳區區買一驢亦釀良友資米
絹與舊書準錢佐券劑保富說多善救貧策無奇儲藥
非不夥疾痼聊暫治縱殫百夫力何術紆衰羸昔賢偶
濡墨艱苦寓笑嬉應增旅食感庶免博士嗤

戲題石甫相馬圖

支公伯樂識堪誇爭似蒙莊見道奢閱盡騰驤千萬匹
不知身尙困鹽車

送諸敦夫之官太和教諭

奇材日沈淪知交歲離別廿年風雪中輒增子憂悒孰
意我歸來蓬鬢各飄雪天憐儒行窮一官泝江月大兒

習綈槩小妻整袍笏欄庭聞夜雨夢亦謝田畷惟慨西
溪友形聲驚電掣存者僅四人而忍久蘊結斷水無迴
瀾曲木羞高節區區城旦書能補幾劓刖驥誠慙伏恥
鷹豈絆華悅歐蘇百代賢止戀水清潔一酌味方滋應
悟氣寥泐

戲題張詩舫觀察

祥河

破硯圖

簪筆當階芍藥紅雲飛押尾笑匆匆

詩舫嘗爲內閣中書山東督糧道二

官

不須漢瓦愁甌墮銅雀香姜一夢中

燕國文章四海傳書成草聖已華顛山中袍笏空驚羨
潑墨淋漓笑瓦全

休復唐詩集 卷六
廿
荅彥輔仲冬過儀徵見寄

繁霜餘喬柯朔風傾疾湍悄然山海間寥閔無虛殫晨
興聆清唱皎若堅冰寒感茲砥節意莫罄離居歎藏用
地鱗蟄知化溟翻搏誰云佐刑德而不資瓢簞古賢慎
出處賤子悲蕭蘭樗大可蔽牛人舍爲天完惟期集東
觀高論廢雕刊庶幾文學淳豈獨耕鑿歡時彥輔將
應禮部試我
衰但擊壤夜雨聽檀欒還來江北岸淮甸瞻青巒

越數日由海門泝江至儀徵風雪頗寒復和前篇

寄彥輔

大江奔入海潮至迴江湍海門邈邱壑未覺靈秀殫嶺

玩餘昨雪遠見猿影寒旅館悽夕霰豈止遲暮歎沙漠
萬馬馳霄霓一鶚搏何如窮巷中橫琴對空篋至音極
窈冥行藏委楚蘭魁杓隨運化物我觀皆完子心如圭
璧已琢不復剗暉暉攬轡志子子哈菽歡績成謝簪組
黍具欣團欒睠言成二老曳杖窮遐巒

萬山殘臘與石甫兵備楊季子亮往江寧過燕子磯欲

登未果夜泊遣興

冬暖天微雪危磯齧晚濤沙晴明鴈羽雲潔養溪毛海
國新持節江城久賣刀笑談見眞性酣醉去邪蒿
綺麗文無質雄奇句未醇幾人窮造化善學棄纖鱗衰

病驚譏揣開懷對絕倫老兵頭欲白松霧喜沾巾
 上元後與石甫別於儀徵由焦山入海夕泊月河
 聞下數十里念石甫將遠宦臺灣僕思退耕江野
 出處不同間隔伊邇中夜感歎寄贈是篇

萬山逐江走蜿蜒數千里山盡江不盡入海去天咫尺潮
 迴汰沃遙氣通溟滓始暄景遂羣生微雲麗中沚欲暝
 尙夷曠入夜復清美黃濁遺外形高朗悟真理皓月潛
 生風浩浩靡所止合沓奔碣隈瀼瀼聲中徵乘流將安
 歸離羣慨難已宙合幾古賢江海兩畸士滄溟更東下
 蛟蠱供驅使麾幢諸國瞻耕鑿眾獠喜化威破天斬形

神奚室邇樓臺倣名郡木石闕荒埃中原望孤島落日
 魚尾紫窟歌增角鳴宣風亟弦弛悠悠猿鶴懷業業屏
 郭峙勉旃抗變隲寥落慕黃綺圻沙爛疑貝髡柳茁行
 薺匹練垂吳門鼓柂酒重醜石甫約重見於蘇州

登吳山避雨入紫陽山道院有懷呂月滄廣西井
 簡汪少海仲洋

層邱阻江海今古形聲馳林榮未少變已非昨日姿微
 光極濛汜靜氣生崖霏浮雲自越來淋浪俄川陂漂流
 廢登陟嘯歌宜及時琳宮越奔峭藪石森嶽巖空濛檜
 柏清穴溜鳴階墀去茲已十載軒牖迷新移蠻天風雨

夜夢益悽九疑峨眉老詞客薄宦困眾譏暇閒遞休王
性外奚磷淄孰來搜淨壑植杖觀翺飛

雨止自江干獨遊理安簡謙谷上人謙谷爲包慎

伯世臣弟子時慎伯將之江西補官輒并奉寄

坡陀隨江阜松潮同激鳴藤蘿入窈窕礪壑紛琮琤危
樓萃雲頂奔赴曖霄崢煙霏識靜意終古飄層甍上人
心地寂晏坐間思清開余往塵空樂物欣初晴通變眇
新術述作慙峻名暄和正寥廓叢灌皆菁英徒觀巖谷
美俯仰忘虛明丹陽老國士落筆推脩鯨壁上多偶窺
沈毅姿彌惜貞亮情百里易尤悔三乘無虧盈淹畱慨

羈紲矧彼登車行

明日與石甫左石僑廣文

德慧

復遊理安由楊梅

嶺至龍井仍逾翁家山觀水樂石屋二洞久憩虎
跑寺夕歸舟中聞潮聲簡石甫并寄李申耆姚子

壽二君

陰晴川谷潤棲遲復幽境濯手法雨清登樓月輪迴

寺有

法雨泉閣南

一峯名月輪春秋日夜分月出輒當頂道恆協圓靈性

正湛內景奧奇閒未窺明秀憩久領徹冥松濤翻聆善
竹風靜與君久江海險阻意常警及茲曠穆中無我復
奚騁山僧契沈默瓶拂見修整欲起爲徘徊夕日在西

嶺
溪山農事稀茶種徧空曲雞鳴墟落靜白雲起巖腹湖
光與石氣寂滅蕩洄洑洪纖聲迭應水石媚幽獨陰竇
誰雕嵌竅穴波紋蹙雲根燥溼清苔髮古今綠德潛於
己忘名蹊會世辱物堅近且然質脆乃紛逐吾何信硜
硜遐騫緬穹谷

松樅列數里篁竹復閒之幽泉奔空翠寥夔生華滋久
知化人居不繫塵中思太虛絕纖翳白雲與我期上方
鐘磬寂冬花墮方池

時山茶猶開

鯨魚性亦定潛伏不與嬉

窮通有至樂樂匪鉅細遺行生渺宙合疇會無言師微

風過巖壑吾意良在茲

多生眩名譽文學滋爭議老以道自湔懷抱慕荒遠竭
來陟嶮峻步步生幽思豈知大海中仍作稊米計箕畢
瞻雲蘿薺麥悟霜曦自來重巖穴伊誰顯晦異我窮不
由人君仕豈違義古人慎出處患匪缺經濟所患經濟
閒張已餘治世樗櫟老空山未盡天所棄且姑酌石泉
嵯峻江湍霽

坤維囿圓象海潮充四隅寒精應地底月出湧與俱往
復環無端百歲成須臾微生寄漏景乃復迷步趨斯文
通治忽白首空爲儒座無人天學孰與明盈虛島雯共

嶺嶠疊赭連越吳悠哉雲霧窟邈矣山澤癯因君訪死

生默嘅風輪驅昔年客福州與山陰胡寄山鄞縣李蘊
參數遊讌二君皆高亮傑士睽隔幾二

十餘年愛不可
見輒感歎云

送石甫至瀧中登東西臺賦此爲別

瀧流隱峯壑合沓疑無前石臺屹穹峻松柏皆窅然人
生日遷變汨汨悲流泉險夷貞世運行藏通昔賢山川
悅我性遂古惟清堅明惜子當發嶺海窺洵懸何人更
歌嘯蘿壁捫蒼煙風清仁義術秋潔魚龍天正己瓢飲
樂任世衢尊傳簡書復奚畏聊止矧邈縣蒼颯啼夕景
緋桃餘昨妍東海行挂帆宵夢空雲巔

桐廬道中雨作重寄石甫

窮通等行役離別悲風雨亭苔眾山色出沒渺雲渚桃
李嫣宿霏峯斷見平楚嶽寄復礪壑杳靄俄墟塢禽鳴
不越山松靜自太古而我白髮垂草廬尙無所維君開
濟材與世作樓櫓經略出緝密胸懷劇揚詡尙念當熙
明無始爲進阻龍山極神秀崖巘掩江浦峭壁潭洞奇
月溜互吞吐渡海非幼安誓墓豈懷祖感激觸所遇泉
石久共佇茲觀雨蓑出樂不異吾土耦耕老可遂谷口
聽桑扈淒其久蹭蹬敢更恥農圃飢溺任有人無田意
空憮

越日過富陽雨復作夕泊洲渚聞湘臯自湖南來
將至揚州追念舊遊慨然有作

江流與潮合碧浪環層巒傾漸迤邐岫列仍嶮岼蒼
茫雨忽至白雲霾其端淋浪聽雲外兩岸皆雲漫山斷
雲不斷石骨生清寒寓形宇宙閒何者爲風湍吾舟無
適莫行止隨所安山淡夜氣清環玦鳴檀欒哀怨似涉
湘髣髴幽人歎楚些感存歿華髮摧蓀蘭淮南虛館夢
宵默同嚴灘

雨中遊雲栖

脩途盡篁竹巖溜鳴雲中人天極幽邈瑤碧藏靈宮聲

聞雖未絕根性卻已空浮筠洗劫外泚泚老籜龍昔年
有達者勞苦如村農偶破文字械遂契禪律宗奈何捨
耕鑿鐘磬奔愚蒙名實強徇人末流多異同尙嘉西域
法咎匪初祖攻我來禮遺塔虬枝聞遠風山援蔬易茂
礪水機可春偶居卽懷葛奚暇尋廬嵩因循久衰白多
聞誤成童心幡喻能者微管悲飄蓬

夕泊錢塘江上僕弱冠時往來福建江西多道此
今去初泊時幾三十年矣前年初夏客揚州觀芍
藥曾效江都梅蘊生體賦詩復和寄湘臯頃蘊生
亦客杭州轉役甯波湘臯則將過揚州阻不得見

風雨交作慨歎竟夕輒和前韻通寄二君

煙雨郊原失故春雲山端可與僧鄰自來哀樂餘江浪

幾輩功名出路塵笠屐欲尋無老友

杭州故人石樵曼生遂初聽香輩十後皆歿鷺鷗相舍半勞人瓊花只合諸天植驛路疇令

鬪柳顰

迤邐層岡感雪鴻歸田詩早憶桃紅

見賓谷中丞集中人間海王饒真見夢外湘靈曲久終廢井幽篁宜曉月平臺古

木盡悲風歐陽門下無多士白髮相望逆旅中

過松江與子壽子樞夜集草堂時子壽將遊湖南

復和前韻為贈

上冢龐公自買春退歸栗里與松鄰眼中高節無今古

遂裏芳華易劫塵茅屋米鹽欺老病寰區風月邈閒人

不關遷謫偏行役說與湘君也怨顰

卅年肥遯笑盧鴻衰暮扶犁失杏紅薜荔頽垣惟鶴守

關山短鬢又星終史才歐宋無餘子詩筆曹劉是變風

輕重久知齊鼠璞不堪心力悴淹中

次韻子樞往官盧氏雷雨入城作

焚香隱几廢榮觀攬轡還驚骨相寒河洛雪消晨問渡

華嵩雲暝夜傳餐不期堰水高王景差勝登山慕謝安

老柳草堂垂百尺婆娑應喜客辭官

王海愚次前韻見贈喜為和荅

世事何妨臧穀觀自來相士失單寒驂騶久抱鹽車厄
謂尊甫澹淵大令 鷓鳳誰為竹實餐平子言愁真要眇坡公對
影劇清安卻從峰泚徵耆舊可許樛材配橘官

有感復和前韻寄子壽子樞

浮生進退豈闕觀勺水絃埏識凍寒伯虎趨庭驚問絹
不疑平反為加餐傷心冢木參差長流涕屏幃定省安
已分孤漂負瑩域敢期高隱共王官

過西溪追悼潛夫復和揚州春字韻詩簡子仁并

寄敦夫太和

久負雲安鞠米春卻欣鵝鴨惱比鄰身閒詩可違三蜀
學廢文真隔兩塵風雨有時增夢境谿山無恙失畸人
伶俜寡婦思成賦白髮愁勝攬筆顰

老去心真契冥鴻兒曹技久炫青紅縱談苦憶班偕尹
壯氣淡慙賈與終世外成虧魚蚌月人閒毀譽馬牛風
祇餘哀樂能傷性欲共琴彈宿草中
時潛夫已卜兆尙未窆

戲題王亮生鑿擁書圖卷子

經術文章石溜穿與君真悔守蹄筌白頭一笑寒燈下
脈望何由便得仙

休說長檠更短檠彥瑜三好亦多情忘言自是安心法

無極從渠學易成

與太倉顧子雨

晞元

不相見復四歲頃過嘉定辱

詩見贈次韻奉荅

卅年湖海一孤舟老去真堪號四休
輕重人情遲悟道
陰晴病骨早知秋
亭荒蛛網縈初露水淺池鱗
啞細漚
物理靜觀成獨樂
忘機敢詡狎羣鷗

陽城黃氏
松山盧氏

休復居詩集卷六終

聖